

ВЫНСЬӨДӨМА

Коми Республикаса Веськөдлан котырлөн
2020 во лөддза-номъя төлысь 15 лунся 304 №-а шуөмөн
(14 №-а содтөд)

“Маджаса” республика төдчанлуна канму вөр-ва заказник йылысь **ПОЛОЖЕНИЕ**

1. Панас

“Маджаса” республика төдчанлуна канму вөр-ва заказник (водзö – заказник) артмөдöма “Коми АССР-ын выль заказникъяс да вөр-ва памятникъяс котыртöм йылысь” Коми АССР-са Министръяс Сöветлөн 1989 во кöч төлысь 26 лунся 193 №-а шуөмөн.

Заказник лöө республика төдчанлуна торйөн ёна видзан вөр-ва мутасөн (водзö – ООПТ) да сылөн эм комплекснöй (ландшафтнöй) нырвизь.

ООПТ-лөн тыр ним: “Маджаса” республика төдчанлуна канму вөр-ва заказник.

ООПТ-лөн дженьыд ним: “Маджаса” заказник.

Заказниксö артмөдöма вына кадколаст урчиттöг да заказниклөн мудоръясын меститчысь му участокъяссö вöдитчысьяслысь, кутысьяслысь да кийн кутысьяслысь босьттöг.

Заказник котыртан да сйöс уджөдан юкөннын канмусянь веськөдлöмыс, заказник видзан да сыөн вöдитчан юкөннын канму дöзьöрыс збыльмөдсьö Коми Республикаса Веськөдлан котырөн уполномочитöм Коми Республикаса олöмö пöртысь власьт органөн да (либö) сылөн ведомствоувса канму учреждениеөн, кодлы сетöма лöсялана уджмогъяссö (водзö – заказникөн веськөдлысь орган).

2. Заказник артмөдан медшөр могъяс да сылөн могъяс

2.1. Заказниксö артмөдöма сы могысь, медым видзны шөр пармалөн зонаувлысь вөр-ва комплекссö, сы лыдын кыйсян-вöралан ресурсъяслысь олан да рöдман условиеяссö.

2.2. Заказниклөн шөр могъяс:

видзны экологическöй öтвесьталунсö;

видзны ландшафтнöй да биологическöй унапöлöслунсö, сы лыдын

пемöсьяслөн шоча паныдасьлысь сикасьяслысь оланінъяссö;

туявны вөр-ва комплексьясын ывлавывса процессьяссö да видзöдны налөн серпас вежсьöм бöрся.

3. Заказниклөн меститчанін да площадь

3.1. Заказник меститчö “Кöрткерöс” муниципальной районса муниципальной юкөнлөн мутасын Маджа сиктєянь 15 км войвывлань, Кöрткерöсса лесничестволөн Пезмögса участковой лесничестволөн 75-78 квартальяслөн да Кöрткерöсса лесничестволөн Маджаса участковой лесничестволөн 10-12, 16-22, 30-36, 45-50 квартальяслөн мудорьясын.

Заказник меститчанінлысь карта-схемасö вайöдöма тайö Положение дорö 1 содтöдын*.

3.2. Заказник мутаслөн площадьыс лоö 24230 га.

* Оз йöзöдсьы.

4. Заказниклөн мудорьяс

4.1. Заказниклөн мудорыс мунö Кöрткерöсса лесничестволөн Маджаса участковой лесничестволөн 10 кварталлөн рытив-войвыв помєянь 10-12 квартальяслөн войвыв мудорьясті, водзö Кöрткерöсса лесничестволөн Пезмögса участковой лесничестволөн 75-78 квартальяслөн войвыв мудорьясті, 78 кварталлөн асыввыв мудорті, водзö Кöрткерöсса лесничестволөн Маджаса участковой лесничестволөн 22, 36, 50 квартальяслөн асыввыв мудорьясті, 50-47 квартальяслөн лунвыв мудорьясті Маджа юлөн шуйга берегкөд вомöнасянінöдз. Водзö ёнджыкасö рытив-войвывлань Маджа юлөн шуйга берегті 31 кварталлөн лунвыв мудоркөд вомöнасянінöдз. Водзö 31, 30 квартальяслөн лунвыв мудорьясті да 30, 16, 10 квартальяслөн рытиввыв мудорьясті петан чутöдз.

4.2. Заказниклысь мудорьяссö петкөдлöма карта-схема вылын тайö Положение дорö 2 содтöдын*.

* Оз йöзöдсьы.

5. Заказниклӧн мудорьясын меститчысь видзан вӧр-ва комплексяс да налӧн компонентьяс

Заказникыс меститчӧ шӧр пармалӧн зонаулын да сылы лӧсялӧ татшӧм местаясын быдмысь быдмӧгьяслӧн ӧткотыр чукӧр. Лунвылын ва юксян ыджыд местаясын быдмӧны уна сикас арлыда пожӧма вӧрьяс (*Pinus sylvestris-ысь*) да войвылын - уна сикас арлыда кыддза вӧрьяс (*Betula pubescens-ысь*). Тайӧ экосистемаяссӧ бурмӧдлӧмаӧсь. Нэмвӧйся козья вӧрьяслӧн да пӧжӧма ягьяслӧн площадьыс абу ыджыд. Заказникын вӧрьяслӧн ыджыдджык юкӧныс нюрсялӧма. Татшӧм ӧткотырьяслӧн улысса ярусьясын сосудистӧй быдмӧгьяслӧн сикасысыс абу унаӧсь. Ёнджыкасӧ тані быдмӧны пармаын татшӧм местаяслы лӧсялысь туруньяс да кустьяс. Му эжӧдын васӧдлун серти ёнджыкасӧ быдмӧны турунвиж, либӧ сфагновӧй нитшьяс. Вель уналаын паныдасьлӧ нитш кӧкшабді (*Polytrichum commune*).

Мукӧд участокын, кӧні ХХ нэм шӧрын нуӧдісны ӧтувья кералӧмьяс, артмисны ойдлытӧм видзьяс. Найӧ ӧні вочасӧн вӧрсялӧны. Ю пӧлӧн паныдасьлӧны юясбердса пӧрысь козья вӧр да ойдланіньясын первичнӧй кыддза расьяс – вӧр типьяслӧн туруна группаса ӧткотырьяс, кутшӧмьяс зэв тӧдчанаӧсь сы боксянь, медым видзны быдмӧгьяслысь унасикаслунсӧ.

Заказникьясын быдмӧны сэтшӧм жӧ быдмӧгьяс, кыдзи и Коми Республикалӧн шӧр пармаын. Тані арталӧмаӧсь сосудистӧй быдмӧгьяслысь 300 сикас.

Ю ковтысын ёнджыкасӧ олӧны съӧдьюр да пинькай рӧдӧ пырысьяс. Пожӧма вӧрын ёнджыкасӧ олӧны пинькай (*Fringilla montifringilla*), вӧр пышкай (*Anthus trivialis*), чиж (*Spinus spinus*) съылыськай (*Phylloscopus trochilus*). Млекопитающӧйяс лыдысь олӧны еджыд кӧч (*Lepus timidus*), тулан (*Martes martes*), съӧдбӧж (*Mustela erminea*), обыкновеннӧй ур (*Sciurus vulgaris*), йӧра (*Alces alces*), обыкновеннӧй руч (*Vulpes vulpes*), америкаса анча (*Neovison vison*), рудовгӧрд ош (*Ursus arctos*). Резерватын пасйӧма руд тури (*Grus grus*) да кузь бӧжа тупьюр варыш (*Strix uralensis*), кодьясӧс пыртӧма Коми Республикаса гӧрд небӧгӧ (2019), да коростель (*Crex crex*), кодӧс пырӧма Звер-пӧткӧлӧн лыддьӧгӧ (списокӧ), кодьяслӧн вӧр-ваын олӧм бӧрся колӧ торйӧн видзӧдны да кодьясӧс вӧзйӧма босьтны биология боксянь дӧзьӧр улӧ, мый вынсьӧдӧма Коми Республикаса вӧр-ва озырлун да гӧгӧртас видзан министерстволӧн 2019 во рака тӧлысь 27 лунся 498 №-а тшӧктӧдӧн (4 №-а содтӧд).

Резерватын пасйӧма амфибияслысь 3 сикас, лӧбачьяслысь 60 сикас да млекопитающӧйяслӧн квайт отрядса 37 сикас.

6. Заказник торйөн ёна видзан режим

6.1. Заказниклөн мутасын оз позь вöчны овмöс нуöдан да мукöд удж, мый вöсна вермас торксыны экосистемалөн дзоньлуныс, сы лыдын:

1) капитальнöя стрöитан объектъяс стрöитöм;

2) линейнöй объектъяс стрöитöм, тайö Положениелөн 6.2 пунктын индöм случайяс кындзи;

3) вөр пуктасъяс кералöм, санитарно-оздоровительнöй мероприятиеяс, пöжарысь видзчысьöмсö могмöдан мероприятиеяс нуöдигөн кералöмъяс, кварталнöй прöсекаяс, визирьяс кералöм, весалöм, туйяс, кутшöмъяс эмöсь, видзöм могысь кералöмъяс, а сідзжö вöчны позяна удж сикасыяскöд йитчöм мукöд кералöм кындзи;

4) вөр бурмöдöм вөр культураяс лöсьöдöмөн, вөр участокъясын, кöни вөр пуктасъясыс кулöмаöсь либö тшыкöмаöсь пöжарьяс, лёк организмъяслөн тöдчöм вöсна, а сідзжö вөр участокъясын вөр бурмöдöм кындзи, кöни санитарнöй могьясын нуöдисны öтпомся кералöмъяс;

5) абу пуа вөр ресурсъяс, вöрса сёян-юан да бурдöдан быдмөгьяс заптöм да чукöртöм, индöм ресурсъяссö да быдмөгьяссö гражданаөн асланыс могьяс вылö заптöм да чукöртöм кындзи;

6) древесина да живица заптöм;

7) геологическöй, ботаническöй, зоологическöй да мукöд коллекция чукöртöм, наука-туялан могьясын найöс чукöртöм кындзи заказникөн веськöдлан органкöд сöгласуйтöмөн;

8) муяс бурмöдöм да гөрöм;

9) любительскöя, спортивнöя, прöмыслöвöя кыйсьöм да промышленнöя чери кыйöм;

10) туйясысь, кутшöмъяс эмöсь, да торйөн индöм местаясысь бокин механизируйтöм транспортлөн ветлöм да сулалöм (заказник видзöм серти мероприятиеяс, а сідзжö заказниклөн мудорьясын меститчöм вөр-ва комплексъяс да налысь компонентъяс видзöм да бөр лöсьöдöм серти мероприятиеяс нуöдöмкöд йитчöм случайяс кындзи), механическöй транспорт средствояс кындзи, кодъяс ветлöдлöны да сулалöны тöвнас, кор усьöма лым сэк, кор оз лэдзны му эжöд, быдмөгьяс да вөр пуктасъяс жугöдöмсö;

11) туясян (корсысян, геофизическöй, геологоразведочнöй) уджъяс, муывса механизируйтöм средствоясөн вöдитчöмкöд да му эжöд да быдмөгьяс торкалöмкöд абу йитчöм уджъяс кындзи;

12) мупытшса озырлун перйём;

13) заказниклысь мутас ёгёсьтём да няйтчөдём, а сідзжө производство да потребление шыбласьяс меститём (видзём да гуалём), ортсө лэдзан ва нуөдём;

14) химия препаратьяс да мувердас видзём да наён вөдитчём;

15) му эжөд да быдмөгьяс торкалём, вөчны позяна удж сикасьяс збыльмөдан случайяс кындзи;

16) позьяс да горсьяс жугөдём;

17) аншлагьяс, шлагбаумьяс, стендьяс, мудор петкөдлысь сюрьяс, мукөд юөртан пас да индалысь, экологическөй ордымьясса да шойччан местаясса оборудование бырөдём да торкём, пуяс вылын гижалём да пасьяс вөчём.

6.2. Заказниклөн мутасын позьё:

1) нуөдны наука-туялан уджьяс заказникөн веськөдлысь органкөд сөгласуйтёмөн;

2) кыйны чери любительскөя да спортивнөя оланпасён урчитём пөрадокын;

3) котыртны да нуөдны вөр овмөс да нуөдны вөрьясын пөжарысь да санитарнөй боксянь видзчысьөмсө могмөдём, вөр бурмөдём да вөр бөрся дөзьөритём серти мероприятиеяс вөр йитөдьяс ладмөдан юкёнын оланпастэчасён урчитём пөрадокын тайё Положениелөн 6.1 пунктса корёмьяс төд вылын кутёмөн;

4) стрөитны, выльмөдны, уджөдны линейнөй объектьяс сэк, кор найөс меститны мөд позянлуныс абу, а сідзжө заказник уджөдөмсө могмөдём могысь, заказникөн веськөдлан органкөд сөгласуйтёмөн;

5) капитальнөя дзоньтавны линейнөй объектьяс заказникөн веськөдлан органкөд сөгласуйтёмөн;

6) стрөитны абу капитальнөй стрөйбаяс да сооружениеяс, кутшөмьяс йитчөмаөсь вөчны позяна удж сикасьяс збыльмөдөмкөд;

7) овмөс да мукөд удж нуөдан мөд сикасьяс, мыйысь абу өлөдөма вөр-ваён вөдитчан да гөгөртас видзан юкёнын оланпастэчасён да тайё Положениеён, оланпастэчасён урчитём пөрадокын.

7. Бөртас

7.1. Заказниксө, сы лыдын сылөн мутасын меститчысь вөр-ва комплексьяссө да налысь компонентьяссө, видзёны вөр-ваён вөдитчан да

гөгөртас видзан юкёнын оланпастэчас серти.

7.2. Заказниклөн вөр-ва комплексъяслы да налөн компонентъяслы лектор вөчан грёз артмём дырйи сылөн мутасын вөчны поэяна удж сикасьяссё дзескөдöны, недыр кад кежлö дугöдöны либö дугöдöны оланпастэчасөн урчитём пöрадокын.

7.3. Заказниклысь мутассö места вылын индöны öлöдан да юöртан пасьяс сувтöдöмөн, а сідзжö торйöдöны тематическöй картография материалъяс вылын.

7.4. Заказниклөн вөр-ва комплексъяслы либö налөн компонентъяслы вөчём лекторсö колö вештыны Россия Федерацияса оланпастэчас серти.

7.5. Йöзöс, кодъяс мыжаöсь заказник торйөн ёна видзан урчитём режим торкöмын, кыскöны кывкутöмö Россия Федерацияса оланпастэчас серти.

7.6. Заказник торйөн ёна видзан урчитём режимлөн уджалём да сійöс могмöдём серти мероприятияяс збыльмöдсьöны Коми Республикаса республиканскöй съёмкуд съём да оланпастэчасөн абу öлöдём мукöд öшмöс тшöт весьтö.

Пасйöд. Меститчанінсö да мудоръяссö опишитöма Кöрткерöсса лесничестволөн 1992 вося вөр овмöс котыртан да нуöдан материалъяс тöд вылö босьтöмөн.